

Nukinnik nukittuunik pisariaqartitsineq

All. Henrik Leth, Kalaallit Nunaanni Sulisitsisut Peqatigiffiata direktøria

Kalaallit Nunaanni Sulisitsisut Peqatigiffiat (GA) politikikkut partiilersornermut attuumassuteqanngilaq, taamaattumillu partiit arlaannilluunniit imaluunniit inummik aalajangersimasumik qinersisoqarnissaa siunnersuutigisanngilarput. Soqutigisaqatigiffittuulli soorunalimi nunatsinni unammilligassat annertuut pillugit oqallinnermut peqataasarpugut. Unammilligassat tamakku angingaarmata aatsaat taama politikernik nutarterisinnaallutillu politikikkut aalajangiisarsinnaasunik pisariaqartitsitigilerpugut. Inuit pingaarnersuullutik siunissamullu pingaarutillit tunngavigalugit aalajangiisinnaallutillu aqutsisinnaasut pisariaqartippagut, pisariaqartinnagillu inuit takorluukkat, sinnattut neriuutillu tunngaviginagit aalajangiisartut atorfissaqartippaguli inuit naatsorsukkat tunngavigalugit aalajangiisinnaallutillu aqutsisuisinnaasut. Imaluunniit pisariaqartinngilagut: Inuit akisuunik, isumaliutigilluagaanngitsunik kukkusumillu naliisartut. Kalaallit Nunaata pisariaqartippai politikernit imminnuinaq naammagisimaanngitsut - politikikkut ukiuni kingullerni pisarnertut sangujoraarnermik kipititsisinnaasut.

Ajornartorsiutit nassuertigisigit

Ajornartorsiuteqarnerput nassu-

erutigisariaqalerparput. Taamaattumik GA kajumissaarivoq inunnik - innuttaasut naliliisinaanerat tatigalugu ammaffigalugulu - pisariaqartinneqartutut oqallis-eqataasinnaasunik qinersisoqaqullugu. Qinersisartut misigisaqareersimaqisut iluareqqusaarutit - piviusunik tunngaveqanngitsunik, neriulluarsarinermilli tunngaveqartut - atorlugit uuka-paateqqinneqarnissaat akueris-innaanngilarput. Assersuutigisigu politikereq qanittukkut nakorsanngorniarluni ilinniartarnerup Kalaallit Nunaannut nuunneqarsinnaaneramik oqartoq. Tamanna akisoorujussuussallunilu nakorsanngorniarluni ilin-niarfimmik ilisimatutut misis-suisarfittalimmik, nunani tamani atorneqarsinnaasutut pitsaas-susilimmik pilersitsisinnaaneq piviusorpalaanngilluinnarpoq, taamaattumillu siunnersuut piviu-sorpalaanngilluinnarpoq. Uagut isumarput malillugu me-eqqat atuarfiat qaffas-saavigineqartariaqalivissoq pit-sanngorsaavigigaanni pitsaane-paajussaaq. Taamaaliornikkut ilinniartitaaneq tamarmi qaffas-saavigineqassaaq taavalu nakor-sanngorusuttut Danmarkimi na-korsanngorniarluni, Kalaallit Nunaata akeqanngitsumik atorsinnaasaani, ilinniartassap-put. Uagut aningaasat pisariaqar-titsiviunerusunut atortassavagut. Imaanngilarli oqartussasoqarfin-nik, aningaasaqarnikkut nam-massinnaasatsinnik tiguisas-sanngitsugut. Imaanngilarli - namminersulernissarput tulluusi-maarutiginnermit - isumaqalis-sasigut uagut innuttaasut 56.000-iinnannguulluta suut tamaasa nammineq saperunnaassagigut. Namminiilerutta nutaanik isumagisassarpassuaqalersus-

saavugut. Politikikkut ineriartor-nissamut nutaanik sinaakkutas-saqalernikuuvugut, ilaatigulli ilin-niartitaanikkut, peqqinnissaqar-fimmi isumaginninnerullu tun-gaatigut kinguaattooruterpassuit pissutigalugit sinaakkutissat ta-akku immersorniartariaqaler-pagut. Nalunngisatsitullu tamakku aningaasanik naleqar-put. Aningaasarpassuarnik. Taamaattumik Kalaallit Nunaata tunngavimmigut ineriartortuarnis-saa pillugu ukiuni aggersunissaa isertitaqartuarnissarput sulissutig-isariaqarparput. Pilersaarutit ang-isoorsuilluunniit soorlu aatsitas-sarsiorfiit Alcoalu namminersul-ernissamut namminersulivinnis-samulluunniit aqutissiussis-innaanngillat. Danmarkimiit tapiis-sutaasartut 4 milliarder kronit missaanniittut matussusersin-naassagutsigit nunatsinni tu-nisassiornerput annertungaar-tumik qaffattariaqarpoq. nunatsinni inunnut sulisin-naasunut tamanut 150.000 - 180.000 kroninut naapertuuttunik. Uuliamik nassaartoqasappat ta-manna inuiaqatigiit ukiut 15-20-it qaangiuppata aatsaat iserti-taqaatigilersinnaavaat. Aningaasatigulli imminut napa-tissinnaanngornissarput an-guniarlugu tunngavissat nammi-neerluta allanngortinniarsin-naavagut. Pisortat inuussutissar-siornermut sunniuteqarnerujus-suat, assigiinngitsorpasuartigut ingerlalluarnissamut nammineer-lunilu suliniuteqarnissamut pisariaqavissumut aporfiusartog peersinnaavarput. Tamannami aamma akulerunnissamut, naalagaaniarnissamut pissaan-ermillu atonerluinissamut pilerit-satsitsisarmat, tamannalu kin-gullermik Air Greenlandip ataat-simeersuarnerani erseqqissumik

takuarput. Inuussutissarsiorneq imminut akilersinnaassuseq pinginnerullugu kulturimilli pingaartitsineq pingaernerutillugu inuussutissarsiorneq tapersorsortuaannarsinnaajunnaarparput. Taamatullu aamma pissutsit silarsuup sinnerani atuuttut tunngavigalugit aatsitassarsior-nissaq eqqarsaatigisariaqarparput - soorlu assersuutigalugu uraneqassutsimut killilersuutit Europami USA-milu atuuttut, sakkortunerpaatut isigineqartut - tunngavigalugit.

Siunissamat anguniakkat

Erseqqissaatigilara, aningaasatigit pituttorsimanninnissaq GAP anguniagaraa, takuuk anguniakkat pillugit programmerput. Aningaasatigulli imminut napatissinnaanngornissamat aningaasat ima amerlatigisut pisariaqartinneqarput, taakku uagut massakkut aningaasalersorsinnaanngikkallarlutigit. Aningaasaliissutissat taakku pisariaqartippaat, inunnik suli amerlanerusunik annaasaqaqqissanngikkutta, ukiorpaalorujussuarni allanngortiterinissaq. Tassami inuit atugaasa assigiinnginnerisigut artornartunik atugaqareerpugut. Imaappoq tamanna innuttaasut atugaasa suli assigiinnginnerulerneranik kinguneqassappat uungatsiaannaq isigaluni namminersulivinnissaq uagut akuersaarsinnaanngilarput.

Matumuuna innuttaasut tamaasa kajumissaarumavakka demokratiskiusumik pisinnaatitaaffitik innuttaasutullu pisinnaatitaaffitik atorluaqqullugit. Qinersigitsi, kisiannili uummatisi qaratsasilu atorlugit qinersigitsi.

Qinersilluarisi!